

幼科準繩八之四

脾藏部下

積渴黃疸

滯顚大小便不通

積

漢東王先生家寶小兒積病可醫者九 面上虛腫
是積積者是脾之所係脾主身之肌肉故應面故知
是脾積其脾係土土無正形故早晚浮腫不定多則
早浮其睡則脾不磨上面作腫若病後此證則是虛
中積宜用調脾消積行氣等藥 面合地臥是積何
以合地其受積在脾是冷積何以知之其脾好土故
知在脾其冷者屬陰故知傷冷硬食得之宜下熱積
氣藥耳 腹脹是積其積在肺何以知之其肺主於

氣纔當受積其氣便冷腹脹滿氣急故知在肺如腹
脹先宜調氣後轉轉後更宜調氣 小便如油是積

其積在小腸何以知之其積受於脾脾當傳心心不
受觸則入小腸小腸是心之腑故知在小腸則節其
水道小便如米泔油相似也 髮黃是積是積氣傷

心心主血脉蔭遍身毛髮被積氣所干則髮黃故知
是積傷心宜下空心散及取積藥此人必時復發熱
也 赤白痢是積其積在肺受傳大腸及有外傷冷
而得何以知之其肺主西方庚辛金其色白後赤則
是外邪故知肺傳大腸則爲赤白痢也宜取後調氣

兩眼黃赤睛青是積其積在肝何以知之肝主東方甲乙木色青却被積氣所干卽黃赤睛青者眼屬五藏肝是其主脾若受積故知眼睛青是肝受積若傳膽其人口苦不要喫物宜涼藥退之 遍身虛腫是積其積不在藏只在府何以知之爲其積曾取後被藥發動卽不在藏故出皮膚之間爲腫也只宜下取虛中積藥然後補之 多瀉白糞是積是受冷積在脾何以知之脾主化受冷積在脾冷滑而瀉白糞故知在脾宜先轉後熱藥補之 積病不可醫者六喘急是肺積肺主氣其喘急則肺絕其人當面白

全無血色故不可醫也 面黑是腎積其人面黑者
是腎絕也人當不辨好惡眼直無光只得一日而死
也 吐熱氣是榮積其不醫者是血絕不可治也血
主心心不能管故出熱氣不止耳 手脚心生瘡是
衛積衛者氣也胃氣不生故手足生瘡若衛絕則氣
不回只得半日也 惡心吐乾嘔是胃積何以不醫
胃主化食其胃熱則惡吐故不治其人必食乳不化
不食亦乾吐嘔面色青黃無血色也 瀉久住又瀉
是積咬脾爛何以知其脾爛其人當瀉白糞爲食不
消住了却放糞赤黑而死卽知脾爛不可治

寶鑑論小兒五積爲藏氣不行蓄積一處不動故曰
積夫心爲伏梁在臍上上攻其心下攻胃口脾爲痞
氣在胃口上橫之肝爲肥氣在臍之左邊肺爲息賁
在臍之右畔腎爲賁豚在臍下各有變動非食之所
成乃氣積也藏屬陰故在一處而不動也 聚謂六
府之氣留聚也府屬陽陽氣運轉不停故其聚不定
一處發而腹痛積聚之候皆面黃瘦劣𦘔𦘔不生肌
肉髮立或肌體浮腫腹急多困多爲水氣

真珠囊虛中積候凡驚中虛積者謂因驚取復驚發
動是也所下糞青穢凡虛中有積者因傷食而瀉又

吐如此漸虛其病未瘥故曰虛積也又虛中之積有積而頻頻取轉却取轉不着致其積尚伏故亦曰虛中積若驚積取下則糞隨驚青如是食積卽糞成塊子凡疳中虛積者因疳病轉瀉虛而疳不退故虛中爾所取下糞裏白色也

曾凡嬰孩所患積證皆因乳哺不節過餐生冷堅硬之物脾胃不能尅化積停中脘外爲風寒所襲或因夜卧失蓋致頭疼面黃身熱眼胞微腫腹痛膨脹足冷肚熱喜睡神昏飲食不思或嘔或噦口噫酸氣大便醜臭此爲陳積所傷如覺一二日先以百傷飲外

感發表次當歸散

潮熱

水薑煎服溫動積滯方下烏

犀丸六聖丸重與寬利後用勻氣散

痢

調補

湯凡

有積滯須辨虛實况孩兒虛瘦長短黑白南北古今

不同不可一槩論也予今之法實者可服進食丸虛

而微白及疳瘦者宜服肥兒丸

卽三因肥兒丸見腹脹條

薛初

患元氣未損之時或腹脹作痛大小便不利者先用

白餅子或木香檳榔丸下之下後以白朮散或五味

異功散和之渴加乾葛吐加半夏下而熱不退或作

嘔作瀉飲食不思此脾胃俱傷也用六君子湯手足

指冷喜飲熱湯此脾胃虛寒也前方加炮薑木香面

積

幼科八

百

石經堂

色黃白目無精光脾肺俱虛也用四君子加柴胡升
麻腹痛泄利下重或小便不利者用四逆散發熱晡
熱或瀉未已脾氣下陷也潮熱口渴大便不調欲變
疳證也並用補中益氣湯佐以肥兒丸經云邪之所
湊其氣必虛留而不去其病乃實必以調脾為主而
以消導佐之古人所謂養正積自除正此意也

色豆
取積

千金紫雙丸

治小兒身熱頭痛食飲不消腹中脹

滿或小腹絞痛大小便不利或重下數起小兒無
異疾惟飲食過度不知自止哺乳失節或驚悸寒
熱惟此丸治之不瘥更可重服小兒欲下是其蒸

候哺食減少氣息不快夜啼不眠是腹內不調悉

宜用此丸不用他藥數用神驗千金不傳方

臣億等詳

序例中凡云服紫丸者即前變蒸篇中四味者是也云服紫丸不下者服赤丸赤丸瘥驥病重當用

之方中並無赤丸而此用朱砂者又力緊於紫丸疑此即赤丸也

巴豆

去皮

麝核仁

去皮各拾捌銖

甘草

炙伍銖

牡蠣

火煨赤

黃蠟

各捌銖

甘遂

朱砂

各貳銖

麥門冬

去心拾銖

右八味以湯熟洗巴豆研新布絞去油別擣甘艸

甘遂牡蠣麥門冬下篩訖研麝核仁令極熟乃內

散更擣二千杵藥燥不能相丸更入少蜜足之半

歲兒服如荏子壹雙一歲二歲兒服如半麻子壹
雙三四歲者服如麻子貳丸五六歲者服如麻子
大貳丸七歲八歲服如小豆貳丸九歲十歲微大
於小豆貳丸常以雞鳴時服之至日出時不下者
投粥飲數合卽下丸皆雙出也下甚者飲以冷粥
卽止

茅先生青金丹 小兒諸積病悉主之

滑石

末

白丁香

羅過

天南星

各貳錢七

青黛

羅過平錢

輕粉

重貳錢

水銀

秤貳錢先以錫貳錢於銅銚內鎔化
便下水銀拌和勻傾出於地冷用

川巴豆

去皮心膜柴拾貳箇無缺損者并華水浸壹宿懸當風處吹乾爛研

右前件藥同拌合用輭飯爲丸如小棗豆大巴豆
不出油依形證用湯使下 傷寒後取積淡煎蔥
湯吞下取疳蟲用牛肉炙汁下驚風肚中緊硬面
青黑金銀薄荷葱湯吞下因傷看肚中及腹皮上
微熱肚脹夜間作熱似疳又不是疳面青黃色眼
微黃此腹中有積用皂角子貳柒粒灰火煨過用
水壹盞煎至半盞下有積作瀉魚鮓湯下氣積炒
蘘香湯下凡下此藥周歲拾肆丸三歲拾捌丸七
歲貳拾肆丸量大小加減下須是四更初下至天

明通下積來盡時可依形證候下藥補之臨喫此藥恐先吐下些小涎來亦不妨

萬靈丸 主小兒諸積依形證用之

木香

黃連

蓬莪茂

各半分

陳橘皮

青橘皮

各去瓢壹分

檳榔

壹錢半重者壹枚

右爲末每七藥壹錢用巴豆壹粒去心膜用醋煮巴豆壹枚煮藥令巴豆紫色用杏仁壹枚去皮尖燈火上煨留性二味都研用醋麪糊爲丸如小菴豆大每服伍丸柒丸拾丸薄荷薑湯吞下

錢乙消積丸

丁香

玖枚

硝砂仁

拾貳枚

烏梅肉

叁箇

巴豆

貳枚去皮油心膜

右爲細末麪糊丸黍米大三歲已上叁伍丸已下

叁貳丸溫水下無時

紫霜丸

消積聚

巴豆

去油心膜

杏仁

去皮尖各貳拾壹箇

代赭石

壹錢研細水飛

右爲細末飯丸如粟米大每服叁伍丸至拾丸煎

阜角仁湯下無時兒小者減之

真珠丸

取小兒虛中一切積聚驚涎宿食乳癖治

大小便澀滯療腹脹行滯氣

利

木香

白丁香

真者

丁香

末

輕粉

各半錢留少許為衣

白滑石

末貳錢

巴豆

拾肆粒水浸壹宿研

膩極

右為末研勻濕紙裏燒粟米飯丸麻子大一歲壹
丸八九歲以上至十五歲服捌丸炮阜子煎湯放
冷下挾風熱難動者先服涼藥一服乳癖者減丸
數隔日臨臥一服

消堅丸

消乳癖及下交姪又治痰熱膈實取積

礪砂

末

巴豆霜

輕粉

各壹錢

黃明膠

末伍錢

細罌

少許

水銀沙子

兩阜子大

右同研細末少入麪糊爲丸如麻子大倒流水下一歲兒服壹丸食後

白餅子 治小兒腹中有癖不食但飲乳是也

滑石

輕粉

半夏

湯洗焙乾

南星

各壹錢爲末

巴豆

貳拾肆粒去皮膜水壹升煮水盡爲度

右研勻巴豆後入衆藥以糯米飯爲丸如小菴豆大捏作餅子兒三歲已上參伍餅三歲以下壹貳餅蔥白湯下臨臥服

張渙萬靈丹 治小兒脾胃久不和挾積服溫熱藥皆不効此藥神妙

利
卷之八
重九 石經堂

肉桂

川黃連

蓬莪茂

各壹兩

肉豆蔻仁

檳榔

陳橘皮

去白焙乾

木香

丁香

各半兩已上擣羅爲細末次用

巴豆

去皮心膜

杏仁

麩炒去皮尖貳件並燈上燒灰存性各貳柒箇

右件同再擣拌勻滴水丸黍米大每服未周晬壹

粒二三歲貳粒三四歲叁粒五七歲伍粒十歲已

上柒粒用生薑湯放冷下乳食後久積或乳癖並

宜常服

剪紅丸

磨癖積殺諸蟲進飲食神効男女老幼皆

可服孕婦勿服